

Pelajar PhD OKU Beri Inspirasi Bangunkan Kemahiran Insaniah

Unit Komunikasi Korporat

Mon 11/13/2017 10:38 AM

To: UUM - All Staff <uumnet@uum.edu.my>; UUM - All Students <studentnet@uum.edu.my>;



Unit Komunikasi Korporat
CORPORATE COMMUNICATION UNIT
Universiti Utara Malaysia



13 NOVEMBER 2017 / 24 SAFAR 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar Oleh: Meor Muhammad Afif Aiman Abu Bakar

PELAJAR PHD OKU BERI INSPIRASI BANGUNKAN KEMAHIRAN INSANIAH



UUM ONLINE: Kecacatan fizikal yang dimiliki Meor Muhammad Afif Aiman Abu Bakar, pelajar Doktor Falsafah (Pengajian Antarabangsa) UUM tidak menghalangnya menjadi ikon dalam kalangan mahasiswa orang kelainan upaya (OKU) untuk membangunkan kemahiran dan pembangunan sahsiah OKU.

Semangat beliau untuk membantu golongan OKU khususnya mahasiswa diserlahkan lagi dengan kemenangannya merangkul tempat kedua dalam Pertandingan Motivator Ikon OKU Intervarsiti (MOKUV) 2017 yang berlangsung di Kolej Za'ba Universiti Malaya, Kuala Lumpur, semalam.

Pertandingan tersebut yang disertai tujuh universiti awam seluruh negara bertujuan melahirkan ikon dalam kalangan mahasiswa OKU yang berkarisma, selain mengetengahkan bakat dan potensi mahasiswa OKU yang boleh memberi manfaat kepada masyarakat di dalam dan luar kampus.

Meor Muhammad Afif Aiman berkata, pada peringkat akhir pertandingan itu dia telah membawakan tajuk 'Sedar Diri, Sedar Ruang bagi OKU' dengan harapan untuk memberi inspirasi kepada pelajar OKU lain supaya mereka bersama-sama dapat membangunkan kemahiran insaniah dalam aspek ilmu dan mental.

"MOKUV merupakan pertandingan pertama yang disertai walaupun saya selalu melibatkan diri dalam pertandingan lain yang tidak khusus kepada golongan OKU.

"Fokus saya sebelum ini mengajar anak muda yang OKU ini dalam pengucapan awam supaya mereka tidak rendah diri atau malu apabila berhadapan dengan orang ramai," ujar mantan Ahli Majlis Perwakilan Pelajar (MPP) 2011/2012.

Selain merangkul gelaran naib johan, UUM menerusi Muhd Farid Anuar, pelajar Ijazah Sarjana Muda Pengurusan Acara turut menerima Anugerah Khas Pilihan Juri.

Johan bagi Pertandingan MOKUV 2017 bersempena Hari OKU Sedunia yang akan disambut pada 3 Disember itu telah dimenangi Universiti Malaysia dan tempat ketiga Universiti Kebangsaan Malaysia.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
 ☎ 04-928 3048/3049/3052/3061
 📠 04-928 3053
 ✉ ukkuum@uum.edu.my
 📘 Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.